




# **Ilinniartitaanerp aaqqissugaaanera**

**Isumaginninnermi siunnersortitut  
najugaq qimannagu ilinniagaq**



## Atuakkap imarisaa

1. Inatsisit tunngavigineqartut aaqqissuussaanikkullu attuumassutit .....	2
2. Ilinniartitaanerup aaqqissugaanera aamma ECTS-imi pointit .....	2
3. Inunnik isumaginninnermik suliaqarnermi siunnersortinngorniarnermi ilinniartitsiffiusut isikkua aamma ECTS-mi pointit .....	3
4. Ilinniakkap siunertaa .....	3
5. Oqaatsinik ilinniartitaaneq .....	5
6. Ilinniakkamut akuerisaanissamut piumasaqaatit ilinniarnerule nalaani aningaasaqarneq .....	5
7. Piffissanik Modulini ingerlatsivissat .....	6
Ukioq 2015 .....	6
Ukioq 2016 .....	6
Ukioq 2017 .....	6
8. Moduliit ataasiakkaat imarisai .....	6
Modul 1: Isumaginninnermi sulineq – toqqammavigisat suliamullu tunngassuteqartut .....	8
Modul 2: Ingerlatsinermi ilisimasaqalerneq .....	9
Modul 3: Isumaginninnermi ajornartorsiutit inuiaqatigiinnilu pissutsit .....	10
Modul 4: Inuit, inuit saqitsaassutaannut aamma ilaqutariit inatsise-qartitaanerit .....	11
Modul 5: Meeqqat inuusuttullu .....	12
Modul 6: Sulinermi pissutsit .....	13
Modul 7: Inooqataanikkut naligiingissuseq atugarliornerlu – inuit ataasiakkaat ilaqutariillu .....	14
Modul 8: Aaqqissuussineq, atassuteqarneq siunnersuinerlu .....	15
Modul 9: Aliasunneq, ajornartorsiorneq kingunerlutsitsineq .....	15
Modul 10: Isumaginninnermi siunnersuineq aamma isumaginninnermi sulineq .....	16
Modul 11: Piffissami itisileriffiusumut suliniummillu allaaserinninnissamut piareersarneq .....	17
Modul 12: Soraarummeerneq .....	18
9. Ilinniartitsinerut ilinniartitaanerullu aaqqissuunna .....	19

## 1. Inatsisit tunngavigineqartut aaqqissuussaannikkullu attuumassutit

Ilinniarnep aaqqissugaanerani aalajangersakkat inatsisit nalunaarutillu uku malillugit malittarisassaqaartinneqarput:

- Ilisimatusarfik pillugu Inatsisartut inatsisaat nr. 19, 19. november 2007-imeersoq
- Ilisimatusarfimmi ilinniagaqarnerit soraarummeertarnerillu pillugit Namminersornerullutik Oqartussat nalunaarutaat nr. 27, 1. september 1995-imeersoq
- Karakteriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-meersoq

Isumaginninnermi siunnersortitut najugaq qimannagu pisortatigut Ilisimatusarfimmut atavoq, Ilimmarfimmi. Isumaginninnermut Immikkoortortaqaafiata Isumaginninnermi siunnersortitut ilinniarfik akisussaaffigaat, taamaattumik Isumaginninnermut Immikkoortortaqaafiup ilinniartitaanerup imarisaanut, ataqatigiinneranut ataqatigiissarneranullu akisussaalluni.

## 2. Ilinniartitaanerup aaqqissugaanera aamma ECTS-imi pointit

Ilinniartitaaneq katillugu ukiunik sisamanik affarmillu sivilisussuseqarpoq. Ukiut siulliit pingasut modulkarlugit ingerlanneqassapput immikkoortillugillu naammassineqarsinnaallutik. Ilinniartut ukiunik siullernik pingasunik naammassinissimasut, angusisimasullu imminnut taasinnaapput: *Inunnik isumaginninnermik suliaqarnermi siunnersorti.*

Ilinniartitaanerup ilusilersornera titartaganngorlugu ataani takutinneqarpoq:

# Ilisimatusarfik

modul Rådgiver i Socialt Arbejde	modul Rådgiver i Socialt Arbejde	modul Rådgiver i Socialt Arbejde	modul Rådgiver i Socialt Arbejde
modul Rådgiver i Socialt Arbejde	modul Rådgiver i Socialt Arbejde	modul Rådgiver i Socialt Arbejde	modul Rådgiver i Socialt Arbejde
modul Rådgiver i Socialt Arbejde	modul Rådgiver i Socialt Arbejde	modul Rådgiver i Socialt Arbejde	modul Rådgiver i Socialt Arbejde

Karsip qullerpaap sanimukartup takutippaa ilinniartitaanerup modul ukiup aappaa affaq kingulleq ilisimatusarfimmi ingerlanneqartoq, ilinniartitsineq ileqquusumik ilinniartitaanermi ilinniagaqartut peqatigalugit ingerlanneqarluni. Modulini allerni ilinniartitsineq nassuiarneqarlunilu itisilerneqassaaq Ilinniakkamut aaqqiissummi.

### **3. Inunnik isumaginninnermik suliaqarnermi siunnersortinngorniarnermi ilinniartitsiffiusut isikkua aamma ECTS-mi pointit**

Inunnik isumaginninnermik suliaqarnissamut ilinniartitaaneq modulunut agguarneqarsimavoq ukioq ataaseq modulunut sisamanut avinneqarsimalluni, modulit tamarmik sapaatip akunneranut ilinniartitsiffiusumi 30-nut, sapaatit akunnerinik marlunnik sivilisussuseqarluni. Ukiuni siullerni pingasuni ilinniartitsiffiusumi katillugit ilinniartitsiffiusut 720-t, isumaginninnermi siunnersortitut bacheloritut qitiusumik ilinniartitaanermi ukiup affaani siullermi ilinniartitsiffiusoq assigalugu.

Ilinniartitsiviusumi modulit ataasiakkaani angerlarsimaffimmi suliaqangaatsiartarnissaaq naatsorsuutigineqassaaq. Modulit ataasiakkaani suliaqangaatsiartarnissaaq aammalu modulit ingerlanerani internettikut ilinniartitsineq/ siunnersuinerlu ingerlanneqartassaaq.

Ukiut pingasut ilinniartitsiffiusuni suliaqarnerit tiiminut 2700 sivilisussuseqarput, 90 ECTS pointinik naleqarput, ilinniarnermi 30 tiimit ECTS pointi ataatsimik naleqarpoq.

Isumaginninnermi siunnersortitut bachelorinngorniarni ilinniartitaanermi ingerlaqqinnissamut piimasaqaatinut anngunniaraanni naammassilluni soraarummeernermi minnerpaamik C-mik karaktereqarnissaaq piimasaqaataavoq.

Tamatuma saniatigut ilinniagaqartut immikkoortortat marluk naammassissavaat, qitiusumik ilinniartitaanermut angusiniarunik. Modulip atuagarsorfiusut ilisimatusarnermik teoriinik sammisaqartassapput, kiisalu allattariarsornikkut pisinnaassuseqarnissamut sungiusarnermik imaqarlutik. Taakku immikkoortortat marluk imarisaat immikkut ilinniarnermik aqqiissuussinnermi nassuiarneqassapput.

Tulliuppoq ukiut siulliit pingasut ilinniartitaanerup ingerlanerata nassuiarneqarnera. Ilinniartitaaneq una pineqarpoq: Inunnik isumaginninnermik suliaqarnermi siunnersorti.

### **4. Ilinniakkap siunertaa**

Najugaq qimannagu ilinniartitit siunertaa tassaavoq isumaginninnerup iluani suliaqareersut ilinniagaqaaqqikkusuttut qaffasarnissaanik periafissaqarqullugit, nuummut isumaginninnermi siunnersortitut bacheloritut ilinniarnissaminnut nuunissaminnut ajornartortunut periafissaalluni.

Aammattaaq isumaginninnerup iluani atorfeqartut piukkunnarsarnissaat pillugit politikikkut kissaatigineqarluni.

Ilinniarnep naammassinerani iliniagaqartut imatut piginnaaneqalersimassapput:

- Inuiaqatigiit ajornartorsiutaannut; ilisarinnissinnaaneq, itisilerineq/ isummersuisinnaaneq, nalilersuisinnaaneq, qanoq iliuuseqarsinnaanerlu ilikkarsimanissaq, makkunani; inuit ataasiakkaani, eqimattakkuutaani, suliffeqarfinni peqatigiiffinni, inuiaqatigiinnilu.
- Inatsisini piumasaqaatit, atuisut inissisimanerat ingerlatsiviullu periusaanut naapertuuttumik oqartussatut suliaqarsinnaaneq aalajangiisinnaanerlu kiisalu aalajangiinerit aallaavigalugit iliuuseqarsinnaaneq ilikkarsimanissaa.
- Inuuniarnikkut ajornartorsiutit paasineqarnissaannut inuiaqatigiinni aqqissugaanikkullu pissutsit ilanngussisinaanermik ilikagaqarsimanissaq.
- Atuisunik suliatigut tunngasunik ilinniarsuseqartumik atassuteqarsinnaaneq kiisalu namminermit pingartitanik, naleqartitanik isumaqartitanillu ilisimaarilluarinninermik, tassaniimmat inunnik suliaqarnermut tunngavik.
- Isumaginninnikkut tunngasunik sulianik ingerlataqarsinnaaneq ataqatigiissaarisinnaanerlu aamma isumaginninnikkut suliniutinik aqqissuussisinnaaneq, kiisalu isumaginninnikkut suliaqarnermi siunnersuisinnaaneq, ilitersuussisinnaaneq pitsaaliuisinnaaneq katsorsaasinnaanerlu aallussisinnaangortillugit.

Piginnaasaqarnissamut piumasaqaatit qulaani taaneqartut kingunerisaannik ilinniarnep aqqutigalugu ilinniartut ilinniarnepmini angusimassavaat:

- Sulianik aqqissugaasumik suliarinninnermi paasisimasaqarneq pisinnaasaqarnerlu.
- Isumaginninnermi suliaqarneq pillugu ilisimasaqarneq paasisimasaqarnerlu, taamaasillutik tamakkiisumik isumaginninnikkut ajornartorsiutinik aalajangersimasumik, periaaseqartarnerit aamma inunnut ataasiakkaanut inuppaannullu kingunissanik tamakkiisumik paasisaqarsinnaalerneq.
- Isumasiuinikkut periutsitigullu paasisimasaqarneq, inunnik isumaginninnikkut ajornartorsiuteqartunut naleqqiullugu pitsaaliuilluni katsorsaallunilu suliaqarnermut tamakkiisumik paasisaqarnermik atuisinnaallutik.
- Inuiaqatigiinni kalaallini inuuniarnikkut aningaasaqarnikkullu ineriartorneranik ilisimasaqarneq.
- Inuiaqatigiilerinermik ilikkagaqarsimaneq, inuiaqatigiit pilersitaanik ajornartorsiuteqalernerneq pillugu ilisimasaqalersimanissaq.
- Aqqissugaanikkut ingerlatinnikkut toqqammaviliussat isumaginninnikkut sulinermit sunnuteqartarnera inunnik sullissinnermi sunnuteqartarnerisa pingaarutaanik paasisaqarneq.
- Ingerlatsiviup aalajangiineranut tunngaviusunik tunngavinnik ilisimasaqalernerneq.
- Isumaginninnikkut sulinermit pingaaruteqartunik ilaqutariit inatsiseqartitaaneranni maleruagassat maleruagassallu allat pillugit ilisimasaqarneq.
- Isumaginninnermi maleruagassanut taakkulu atorneqarnissaannut pisinnaassuseqarnermik sukumiisumik ilisimasaqarneq.

Isumaginninnermi siunnersortip inuttut suliatigullu inissisimanerata akornanni pissutsinik paasisaqarnej. Aammattaaq suliaqarnermut attuumasunik pilersitsinissamut aamma suliaqarnermut atasumik oqaloqatigiinnernik pisinnaassuseqarnej.

- Inuttut piginnaasat nukittorsarneri, tassunga ilanngullugu atassuteqarnikkut pisinnaasaqarnej.
- Siunnerfigisanut pingaarutilinnut kiisalu inuiaqatigiilerinnermi aamma tarnikkut pissutsitigut atuagarsornikkut ilisimasaqalernej.

## 5. Oqaatsinik ilinniartitaaneq

Ilinniartitaaneq tamakkerlugu kalaallisut danskisullu ilinniartut oqaatsitigut pisinnaasaqarnerisa nukittorsarnissaannik siunertaqassaaq. Allattariarsornikkut ajunngitsumik pisinnaasaqarnej tassaavoq isumaginninnermik siunnersortinngorniarnermi ingerlaqqissinnaanermut tunngaviuvoq amerlanertigullu kommunimi ingerlatsivimmi ingerlalluarnissanut tunngaviulluni.

Oqaatsitigut pisinnaasaqarnermi modulini ataasiakkaani ullup qeqqata kingorna inissinneqarsimasuni ilinniartitsiffiusuni 16-ini. Ilinniartitsiffiusut siusinnerusukkut taaneqartunut ilinniartitsiffiusunut 720-nut ilaanngillat, taakkuli avataaniillutik.

## 6. Ilinniakkamut akuerisaanissamut piumasagaatit ilinniarnerrullu nalaani aningaasaqarnej

Isumaginninnermik suliaqarnermi siunnersortinngorniarnarluni ilinniarnermi isernissamut piumasagaatit makkuupput;

qinnuteqartup aalajangersimasumik atorfeqartitaanera aamma isumaginninnerup iluani sivikinnerpaamik ukiuni marlunni inuussutissarsiornermik misilittagaqarnissaq qinnuteqartorlu meeqqat atuarfianni soraarummeersimassasoq kalaallisut minnerpaamik 4-mik karakteereqarluni (13- skala-mi 7) aamma danskisut 2-mik karakteereqarluni (13-skalami 6) taakkulu saniatigut:

qinnuteqartoq siunnersortimut ikiortaalluni, isumaginninnermi ikiortaalluni imaluunniit taakkununga assersuunneqarsinnaasumik attuumassuteqartumik allamik ilinniagaqarluni imaluunniit

qinnuteqartoq allamik akuerisaasumik angusiffigineqarsimasumillu ilinniagaqarluni, piffissami sivisunerusumi pikkorissarsimassalluni.

Isumaginninnermut Immikkoortortap kikkut ilinniartitaanermi aallartissinnaanersut aalajangissavaa. nalinginnaasumik ilinniartut 25-t tiguneqartarput.

Aallaaviusoq tassaavoq ilinniartut ilinniartitaanerup ingerlanerata nalaani tamakkiisumik akissarsiaqartinneqarnissaat, tamatumalu kingunerisaanik qinnuteqartoq ilinniarnerrup nalaani isumaginninnerup iluani suliaqartuussalluni. Aammattaaq qinnuteqartoq Modulit ataasiakkaat akornanni angerlarsimaffimmi suliaassanik suliaqarnissamut periarfissaqartassalluni.

Angalanernut aningaasartuutit najugaqarnermilu aningaasartuutit akilerneqartassapput, Ilaqutariinnermut Inatsisinillu atortitsinnermut naalakkersuisoqarfik tassunga tunngasunik aqutsissaq.

## 7. Moduli ingerlatsivissat

### Ukioq 2015

- Modul 1: ataasinngorneq 17. august tallimanngornermut 28. august – sap.ak. 34 & 35
- Modul 2: ataasinngorneq 23.november tallimanngornermut 4. December – sap.ak 48 & 49

### Ukioq 2016

- Modul 3: ataasinngorneq 7. marts tallimanngornermut 18.marts – sap.ak. 10 & 11
- Modul 4: ataasinngorneq 27. juni tallimanngornermut 8.juli – sap.ak. 26 & 27
- Modul 5: ataasinngorneq 15. august tallimanngornermut 26. august– sap.ak. 33& 34
- Modul 6: ataasinngorneq 21.november tallimanngornermut 2.december- sap.ak. 47 & 48

### Ukioq 2017

- Modul 7: ataasinngorneq 6.marts tallimanngornermut 17.marts – sap.ak. 10 & 11
- Modul 8: ataasinngorneq 26. juni tallimanngornermut 7. juli– sap.ak. 26 & 27
- Modul 9: ataasinngorneq 14. august tallimanngornermut 25. august – sap.ak. 33 & 34
- Modul 10: ataasinngorneq 20.november 1.december – sap.ak 47 & 48

### Ukioq 2018

- Modul 11: ataasinngorneq 5.marts tallimanngornermut 16.marts – sap.ak. 10 & 11
- Modul 12: ataasinngorneq 25.juni tallimanngornermut 6.juli – sap.ak. 26 & 27

## 8. Moduli ataasiakkaat imarisai

Isumaginninnermik suliaqarnermi siunnersortinnngorniarneq modulinut agguarsimavoq. Moduli aaqqissuunneqarsimapput taamaalilluni Moduli ilai ilinniarnermi ataasimik ingerlataqarfiullutik allali ilinniartitsissutit tapertariissinneqarlutik. Ilinniartitsissutit ataasiakkaat pingaartinneqarneri qitiusumik ilinniartitaanermi ukiumi siullermi affarmilu ilinniartitaanerup imaqaassusia naapertuupput. Qitiusumik ilinniartitaanermut naleqqiullugu inatsisilerineq annertunerussalluni. Ininnik sullissinnermi inatsisilerinnermut ilisimasaqarneq ujartorneqarmat.

Ilinniartitsineq atuartitsissutininik makkuninnga imaqarpoq:

Isumaginninnermut sulineq:	36 ECTS-pointit	288 ilinniartitsiffiusut
Inatsisilerineq:	20 ECTS-pointit	160 ilinniartitsiffiusut
Inuiaqatigiilerineq:	17 ECTS-pointit	136 ilinniartitsiffiusut
Tarnip pissusaanut tunngasut	17 ECTS-pointit	136 ilinniartitsiffiusut
Katillugit	90 ECTS-pointit	720 ilinniartitsiffiusut

Modulit ataasiakkaat allaaserineqarnerisa kingorna ilinniartitsissutit modulinit ilaasut ilinniartitsiffiusut amerlassusilerlugit taaneqassapput aamma modulimi ECTS-mi pointit tamarmiusut allanneqarlutik. Aammattaaq suliaasat immikkortukkaartut tulliata tungaanut suliarineqartussat taaneqassallutik. Modul soraarummeernermit naammassineqassapput soraarummeernerup qanoq iluseqarnissaa aamma taaneqassaaq. Angerlarsimaffimmi suliaasat kiisalu soraarummeernerup ilusissaa ilinniartitsiffiusuni itisilerneqarumaarpoq, taakku modulini ataasiakkaani suliarineqassallutik.



## Modul 1: Isumaginninnermi sulineq – toqqammavigisat suliamullu tunngassuteqartut

- Ilinniartitaanerup ilisaritinnera.
- Isumaginninnermi suliamut isertinneqarneq.
- Isumaginninnermi siunnersortitut sulineq.
- Isumaginninnermi sulinnermi ileqqorissaarneq pingaartitalu.
- Isumaginninnermi aqqissuussaaneq pingaarnersaannik ilikkarnissaq.
- Aqqissuussaasumik sulianik suliaqarneq.
- Journali aqqissuussaasumik sulinnermi sakkutut atorlugu.
- Inunnik isumaginninnermi sulinnermi paasititsineq.
- Aningaasaqarneq missingersuusiortarnerlu.

Modulini siunertaq tassaavoq inuiaqatigiinni nutaaliaasuni isumaginninnermik siunnersortitut sulilernissamut ilinniartut aallartartinnissaat. Aallarniutitut ilinniartitaaneq tamaat aamma ilinniartitsissutit assigiinngitsut pillugit ilisimatitsisoqassaaq. Aamma ilinniarnermi ingerlatseriaaseq ilaassaaq. Isumaginninnermi sulineq sunarpiaanersoq ilisaritinneqassaaq tassungalu atatillugu ineriartornermi pisutit tapiliunneqassallutik. Pingaartitat tunngaviusut aamma isumaginninnermi suliaqarnermut atatillugu pingaaruteqarneri ilaatinneqassallutik soorlu aamma taaguutini ileqqorissaarnermi pissuserinnermilu imarisat erseqqissarneqassallutik. Isumaginninnermi aqqissuussaaneq aqqissugaanera aamma aqqissugaasumik sulianik suliaqartarnermi kiisalu journalinik allannermi ilinniartinneqassapput. Isumaginninnermi sulineq sukumiisumik erseqqissarneqassaaq. Modul aningaasaqarneq missingersuusiortarnerlu pillugit naatsumik misissornerannik naggaserneqassaaq.

Moduulimi anguniagaq tassaavoq ilinniartut makku ilikkarsimassagaat:

- Ilinniarnermi sakkunik assigiinngitsunik ilisimasaqalernissaat pisinnaasaqalernissaallu.
- Atuartitsissummi sammisani taaguutit tunngaviusut pillugit ilisimasaqalernissaat paasisimasaqalernissaallu.
- Taaguummot isumaginninnermi sulinnermut aamma inunnik suliaqarnermut naleqqiullugu ileqqorissaarnermik ilisimasaqaleriartornerat.
- Isumaginninnermi aqqissuussinerup aqqissugaaneranut ilisimasaqalernerq.
- Isumaginninnermi ajornartorsiutit ilisarinissaannut, allaaserinissaannut misissornissaannullu pisinnaasaqalernerq.
- Isumaginninnermi sulinnermi tamakkiisumik isiginninnermut ilaasunik paasinnilerneq.
- Aningaasaqarnermut missingersuusiortarnermullu atusinnaalerneq.

Angerlarsimaffimmi suliassaq tassaassaaq aqqissugaasumik suliamik suliaqarnermi suliassinneqartarneq.

Isumaginninnermi sulineq: 60 ilinniartitsiffiusut 7,5 ECTS-pointit

## Modul 2: Ingerlatsinermi ilisimasaqalerneq

- Ingerlatsiviup aaqqissugaanera ingerlaasaalu
- Ingerlatsivimmi aalajangiisarnernut tunngaviusunut tunngavinnut ilisimasaqalerneq.
- Inatsisit tunngavigineqartut.
- Inuit pisinnaatitaaffii.
- Sullissinermi maleruagassat.
- Nipangiussisussaataaneq aamma inunnut tunngasunik paasissutissanik ingerlatitseqqinneq pillugu maleruagassat.
- Naammagittaalliorfiit ingerlatsivimmillu nakkutillineq.

Modulip siunertaraa pisortani ingerlatsivinni sulianik suliarinninnermut ilinniagaqartut tunngaviusumik ilisimasaqalernissaat. Inatsisini tunngaviusut assigiinngitsut kiisalu nassuaariaatsini tunngaviit aallunneqassapput. Inuit pisinnaatitaaffii pingaartitat moduulimi aamma sammineqassapput. Sulianik suliarinneq pillugu inatsit nipangiussisussaataaneq aamma inunnut tunngasunik paasissutissanik ingerlateqqiinginnisaq pillugu maleruagassat annerusumik isiginiarneri moduulimi annertuumik ilaapput. Ingerlatsivimmik nakkutilliinissamut periarfissanut aammalu innuttaasup aalajangiineq pillugu naammagittaalliuuteqarnissamut periarfissaqarneranut ilisimasaqarneq ilaassapput taakkulu ilinniartitsinermi sammineqassallutik sulianik suliarinninnermi maleruagassat eqqortinneqanngippata tamassuma qanoq kinguneqarsinnaanera.

Moduulimi anguniagaq tassaavoq ilinniartut tamatuma kingorna:

- Isumaginninnermik ingerlataqarfimmi atorneqartartunut inatsisitigut tunngavissanut sukumiisumik ilisimasaqalerneq.
- Inuit pisinnaatitaaffinnik ilisimasaqalerneq.
- Sulianik suliarinninneq pillugu inatsimmi aalajangersakkat pillugit ilisimasaqalerneq paasisaqarnerlu.
- Nipangiussisussaataaneq aamma inunnut tunngasunik paasissutissanik ingerlatitseqqinnginneq pillugu maleruagassanik passussinnaaneq.
- Naammagittaalliorsinnaanissamut periarfissaat pillugit atuisunik ilitersuussineq.
- Isumaginninnermi aaqqissuussaanerup aaqqissugaanera pillugu ilisimasaqalerneq aamma ingerlatsivimmi nakkutilliisarneq pillugu ilisimasaqalerneq.
- Sulianik suliarinninnermi maleruagassat eqqortinneqanngippata tamanna qanoq kinguneqarsinnaanera pillugu ilisimasaqalerneq.

Angerlarsimaffimmi suliassaq suliarinninneq pillugu inatsimmi maleruagassat iluanni allattariarsorluni suliarineqassaaq. Suliaq tunniussassaq moduli tullia sioqqullugu tunniunneqassaaq aamma GGS malillugu nalilerneqassalluni. Atuarfiup iluani censori.

Inatsisilerineq: 60 ilinniartitsiffiusut 7,5 ECTS-pointit

### Modul 3: Isumaginninnermi ajornartorsiutit inuiaqatigiinnilu pissutsit

- Inuiaqatigiinni pissutsit isumaginninnermilu ajornartorsiutit imminnut ataqatigiinnerat.
- Oqaluttuarisaanermut Inuiaqatigiit nutaaliaasut kalaallit aaqqissuunnerat.
- Inuuniarnermi atukkat, inuusaatsit inuunerullu pitsaassusaa.
- Inuunermi atukkanik misissuinerit.
- Atugarissaanermut aqquassaasinnaasut. assersuutit.
- Inunni ataasiakkaani, immikkoortuni inuiaqatigiinnilu isumaginninnikkut ajornartorsiutit suunerinik paasiniaaqqissaarneq misissueqqissaarneq.
- Suaassuseq naligiissitaanerlu.
- Inuiaqatigiini sulineq.

Modulini siunertaraa isumaginninnermi suliaqarnerup inuiaqatigiinni pissutsinut ataqatigiinneranik ilinniagaqartut paasisaqarnissaat. Inuunermi atukkanik misissuinerit saqqummiunneqartassapput aamma inuusaatsit, inuunermi atukkat inuunerullu pitsaassusaa pillugu isumasiuinerit pillugit atuartsisoqassalluni. Teoriit Atugarissaanermi assersuutit isumaginninnermik ingerlatsinermut ilinniartsitisutigineqassaput qanorlu isumaginninnermut politikki ataqatigiinnera. Isumaginninnermi ajornartorsiutit inuiaqatigiinnit isigalugit nassuiarneqassapput. Naligiissitaaneq pillugu suaassusermut naleqqiullugu isigineqarnera aamma moduulimi ilaavoq.

Moduulimi anguniagaq tassaavoq ilinniartut tamatuma kingorna:

- Isumaginninnermi ajornartorsiutit ilisarnaatit pilersarnerilu pillugit ilisimasat paasisaqarsimanerlu.
- Inuiaqatigiit kalaallit ineriartornerisa oqaluttuassartaat pillugu ilisimasaqalerneq.
- Kalaallit Nunaanni inuuniarnermi atukkanik misissuinerit ilisimasaqarneq.
- Teoriit Inuusaatsimut, inooriaatsinut inuunerullu pitsaassusaa pillugu isumasiuinerit ilisimasaqarneq.
- Atugarissaanermi assigiinngitsut inunnut imminnut isumaginninnaanngitsunut naleqqiullugu pingaaruteqarnerinik paasisaqarneq.
- Inuiaqatigiini isumaginninnikkut assigiinngissusermik pilersitsisinnaasunik inuiaqatigiinni pissutsit pillugit ilisimasat.
- Naligiissitaaneq pillugu taaguummumt suaassusermullu naleqqiullugu pissutsit suut atuunnerinik ilisimasaqalerneq.
- Isumaginninnermi pitsaaliuilluni sulinerit atuisut akuliutsinneqarsinnaanerit assigiinngitsunut ilisimasaqalerneq.

modul oqaluttariarsorluni soraarummeerneqassaaq, allattariarsorneq synopsis malillugu. Soraarummeerneq suleqatigiikkutaartuni ingerlanneqassaaq. Karakteri tassaassaaq angusineq/angusinninneq – censori avataaneersaq.

Angerlarsimaffimmi suliaasaq tassaassaaq inuiaqatigiinni ajornartorsiutinik imaqartoq allattariarsorluni suliaasaq.

Inuiaqatigiilerineq: 60 ilinniartitsiffiusut 7,5 ECTS-pointit

## Modul 4: Inuit, inuit saqitsaassutaannut aamma ilaqtariit inatsiseqartitaanerat

- Meeqqat ilaqtariitsitsigut pisinnaatitaaffii.
- Angajoqqaatut oqartussaassutsip imaa meeqqanullu sinniisuuneq pillugu maleruagassat.
- Inersimasunut sinniisuuneq pillugu maleruagassat.
- Aappariinneq pillugu inatsisit aamma pilersuisussaataaneq.
- Inuit saqitsaassutaannut inatsiseqartitsinerup iluani maleruagassat tunngaviusut.
- Inuit namminersorsinnaanngitsut taakkulu pisinnaatitaaffii.
- Meeravissartaartussat nalilersornerinut naleqqiullugu meeravissartaarneq pillugu inatsisit.
- Isumaginninnermi maleruagassanut atatillugu ilaqtariit inatsiseqarnerat.

Moduulimi siunertaavoq ilaqtariit inatsiseqartitaaneranni maleruagassanik, isumaginninnermi sulinermut pingaaruteqartunik ilinniartut ilinniartinnissaat. Pingaartumik meeqqat pisinnaatitaaffii pillugit paasisaarlunissaq aammattaaq pilersuisussaataanerup, angajoqqaatut oqartussaassutsip sinniisussaataanerullu isumaa paasissallugu. Aammattaaq ilinniagassatut ilaavoq inuit saqitsaassutaanni inatsiseqartitsinnermi maleruagassat isumaginninnermi siunnersortimut naleqquttuusinnaasut ilinniagaqartunit ilisimalernissaat. Tassaasinnaapput isumaqatigiissuteqarnermi maleruagassat aamma pisinnaatitsineq pillugu maleruagassat. Inuit nammineersinnaanngitsut pisuussutaat pillugit ilinniartinneqassapput kiisalu angajoqqaarsiasat akuerineqarnissaannut naleqqiullugu meeravissartaarnermi inatsimmi aalajangersakkani. Modul ilaqtariit inatsiseqartitaaneranni maleruagassat aamma pisortani aqqissuussinerup akornanni ataqatigiinnerup erseqqissarneranik naggaserneqassaaq.

Moduulimi anguniagaq tassaavoq ilinniartut tamatuma kingorna:

- Angajoqqaatut oqartussaassuseqarneq, sinniisuuneq aamma pilersuisussaataaneq pillugu apeqqutini angajoqqaanik siunnersuisinnaaneq.
- Isumaginninnermi sulinermi meeqqat pisinnaatitaaffii pillugit ilisimasat atorsinnaalerlugit.
- 18-t sinnerlugit ukiulinni inunntu nammineersinnaanngitsunut naleqqiullugu maleruagassanut ilisimasaqalerneq.
- Ulluinnarni sulinermi pisariaqartitsisoqaleraangat isumaqatigiissuteqarsinnaaneq aamma pisinnaatitsinnermi maleruagassat pillugit ilisimasat atorsinnaalerlugit.
- Inuit namminersorsinnaanngitsut pisuussutiminnik atuisinnaanerat pillugu ilisimasaqalerneq ilisimasarlu taanna aallaavigalugu siunnersuisinnaaneq.
- Meeravissartaarneq pillugu inatsimmut ilisimasaqarneq.
- Ilaqtariit inatsiseqartitaanerat aamma isumaginninnermi inatsisit akornanni ataqatigiittoqarneranik ilisimasaqalerneq.

Modul allattariarsorluni soraarummeernermik naggaserneqassaaq karakterilerlugu angusivoq/angusinnigilaq – censori avataaneersaq.

Angerlarsimaffimmi suliassaq tassaassaaq assersuusiorneq, tassani ilaqtariit inatsiseqartitaaneranni ajornartorsiutit ilaassallutik.

Inatsisilerineq: 60 ilinniartitsiffiusut 7,5 ECTS-pointit

## Modul 5: Meeqqat inuusuttullu

- Tarnikkut pissutsitigut ineriartornermi teoriit.
- Kinaassutsikkut ineriartorneq, inooqatigiinnut ilanngukkiartorneq kiisalu meeqqat atugassarititaat.
- Isumagisaanikkut sumiginnaagaaneq tassunga ilanngullugu kinguaassiutitigut atonerlunneqarneq.
- Isumaginninnikkut naligiinnginneq piitsuunerlu.
- Meeqqanut inuusuttunullu tunngasut inatsisit tassunga ilanngullugu iliuseqarnissamut pilersaarutit.
- Inunnik sullissisut suliffeqarfiit akimorlugit suleqatigiinneq.
- Ilaqutariinni ajornartorsiutit pitsaaliornissaannut sakkussat imaluunniit periaatsit.
- Teoriit iliuserisinnaasallu sakkoralugit ilaqutariinnik nukissaqarpiangitsunik sullissinissaq.

Moduulimi siunertaq tassaavoq meeqqanut inuusuttunullu naleqqiullugu inooqatigiinnermi ajornartorsiutit suunerinik ilinniagaqartut paasisaqalernissaat, kiisalu pitsaaliuineq aamma isumaginninnikkut sulinermi suliniutit siunertaralugit ajornartorsiutinik taakkuninnga misissuisinnaaneq nalilersuisinnaanerlu. Tarnikkut pissutsitigut ineriartornermi, kinaassutsikkut ineriartorneq, inooqatigiinnut ilanngukkiartorneq kiisalu meeqqat atugassarititaannut ilinniartitsineq. Ilinniartitsinermi sammisassat; inooqatigiinnermi naligiinnginnerit, maligassanik kipititsinerit, kinguaassiutitigut innarliinerit, timikkut tarnikkullu persuttaaneq aamma sumiginnagaaneq.

Suliat tapertariissillugit suleqatigiinnermut aamma iliuseqarnissamut pilersaarusiortarnermut ilisarititsisoqassaaq. Teoriit iliuserineqarsinnaasusermilu aammalu akunnaatsumik periuuseqarnissanut ilaqutariit ajornartorsiutilinnut sullissisinnarnermik assersuutilersorluni ilinniartitsineqassaaq.

Moduli naammassineqarneratigut anguniagaavoq ilinniagaqartoq:

- Meeqqanik inuusuttunillu atugarliortunik suliaqarnerup iluani ajornartorsiutit suunerinik ilisimasaqalersinnaasasut, allaaserinnissinnaallutik misissuisinnaallutillu
- Meeqqanut inuusuttunullu atugarliortunut suliniutinik ilisimasaqalissasut
- Misissuineq tunuliaqutaralugu isumaginninnikkut suliniutinut pilersaarusiorsinnaalissapput tassunga ilanngullugu inatsisit attuumassuteqartut ilanngussinnaallugit
- Suliat tapertariissillugit (tværfagligt) suleqatigiinnermi ilisimasaqalerlutillu aallarniutaasumik pisinnaassuseqalissapput
- Teoriit periaatsillu sakkusallu ilikkarsimanissai Ilaqutariinnut nukissaqarpiangitsunut ikiuinissamut atatillugu, ulluinnarni sulinermi atuluarsinnalerlugit.

Modul misilitsiffigineqassaaq allattarriarsornermik suliaqarluni, imarisarissavaa; ilisaritsillugit suliat tapertariissillugit (tværfagligt). Suliassap modulip tulluittup aallartinnissaa sioqqullugu tunniunneqassaaq. GSS-skala malillugu karakteriliisoqassaaq. Ilinniarfiup iluani censori.

Isumaginninnermi sulineq: 25 ilinniartitsiffiusut, Tarnip pissusaanik sammisaqarneq: 30 ilinniartitsiffiusut, Inatsisilerineq 5 ilinniartitsiffiusut

## **Modul 6: Sulinermi pissutsit**

- Kalaallit nunaanni suliffeqarfiit ilinniarfiillu
- Suliffeqarneq pillugu politikki
- Sulisinnaassutsimik naliliineq naleqquffigisanullu inissiineq
- matchgruppe 3 ukkataralugu
- Sulineq kajumilersitsiffiusoq
- Inatsisit inunnut suliffissaaleqisunut tunngasut
- Suliffissaaleqinerup inunnut ataasiakkaanut, ilaqutariinnut inuiaqatigiinnullu sunniutai

Moduulimi siunertaq tassaavoq kalaallit nunaanni suliffeqarfiit, sulisinnaasut, nuttarsinnaaneq kiisalu suliffeqarnermut naleqqiullugu kalaallit nunaanni ilinniarfiit pillugit erseqqissaanissaq. Ilinniagaqartut suliffissaaleqisunut naleqqiullugu pitsaaliuilluni katsorsaallunilu periusissat pillugit ilisimasaqalissapput. Suliffeqarnermut tunngasut iluanni inooqataanikkut ajornartorsiulersitsisinnaasunik ilisimasaqalissapput. Immikkoortumi inatsisit ilinniartitsisutigineqassapput, pingaarnerusumik pisortanit ikiorsiissutit pillugit inatsit, aammalu sulinnigiffeqarallarnermi ikiorsiissutit, sulisinnaalersitseqqinniarneq pillugit inatsisit aamma inatsisit allat ilaassallutik.

Moduli naammassineqarneratigut anguniagaavoq ilinniagaqartoq:

- Suliffeqarnerup iluani inooqataanermi ajornartorsiutit suunerinik paasisimasaqalernerq, allaaserinnissinnaallutik misissuisinnaassasut
- Suliffeqarnermut tunngasunut ajornartorsiutinut sammisunik suliniutinik ilisimasaqalerlutik
- Inatsisit attuumassuteqartut atorsinnaalerlugit
- Sulisinnaassuseqarnermik nalilersuisinnaallutik taannalu aallaavigalugit naleqquffigisaanut inissiisinnaallutik
- Inuit suliffeqanngitsut pillugit iliuuseqarnissamut pilersaarusiorsinnaallutik.

Modul suliffeqarnermut tunngasut iluanni suliassamik naggaserneqassaaq. Suliassaq moduli tullia sioqqullugu tunniunneqassaaq. GGS skala malillugu karakteriliisoqassaaq. Ilinniarfiup iluani censori.

Isumaginninnermi sulineq: 40 ilinniartitsiffiusut, Inatsisilerineq: 20 ilinniartitsiffiusut

## Modul 7: Inooqataanikkut naligiingissuseq atugarliornerlu – inuit ataasiakkaat ilaqutariillu

- Nalinginnaaneq allaanerunerlu pillugit teorniinik ilikkagaqarneq.
- Inuit atugarliortut pillugit ilisimasaqarneq.
- Inummut ataatsimut naleqqussaaneq, ajattugaaneq, akuulerneq peersitaanerlu.
- Inersimasunik atugarliortunik isumaginninnermi sulineq.
- Innarluutillit pillugit inatsit.
- Utoqqalinersiutit pillugit inatsisit.
- Inuiaqatigiinni sulineq.

Moduulimi siunertaavoq isumaginninnikkut suliniutit aallartinnissaannut tunngavittut pineqartuni ajornartorsiutit suunerinik paasisaqarnissaq, misissuinissaq nalilersuinissarlu siunertaralugit inunni ataasiakkaani ilaqutariinnilu inooqataanikkut naligiingissuseq atugarliortuunerlu pillugit taaguutit ilisaritinnegarnissaat. Innarluutillit pillugit inatsisini taakkunungalulu atasuni nalunaarutini inatsisillu ilitsersuutaanik ilinniartinneqassapput. Siusinaartumik sulisinnaajunnarnermi pillugu inatsit aamma ilaassaaq. Inersimasunik isumaginninnikkut sulinerlut periutsit assigiinngitsut soorlu katsorsaanissamut periarfissat. Modul inunnik ataasiakkaanik ilaqutariinnillu isumaginninnikkut pitsaaliuilluni sulinermi atuisut ilanngutitinnissaannut periutsini assigiinngitsuni ilinniartitsinermik naggaserneqassaaq.

Modulip naammassineqarneratigut anguniagaavoq ilinniagaqartoq:

- Siunnerfigineqartunut qitiusunut ilisimasaqalerneq
- Immikkoortumi inuiaqatigiilerinikkut aamma tarnip pissusaanut tunngasuni isumasiuinerlut attuumassuteqartunut ilisimasaqalerneq
- Teoriit atorlugit isumaginninnermi suliniutit aallartinnissaat siunertaralugu ajornartorsiutinut aalajangersimasunut atuagarsorsimanerit pisinnaasaqalerfigisimallugit.
- Moduulimi uanni ilikkakkat pitsaaliuinermi katsorsaanermillu periuserisinnaasat atorsinnaalerlugit, tassunga ilanngullugu avatangiisini sulineq atuisullu ilanngutitinneri
- Inatsisit attuumassuteqartut ilanngunneqarsinnaaneri

Modul naammassineqassaaq, namminersorluni suliamik ilisarititsinermik, allaaserisarlulu najorlu suliaqarneq/ ornigulluni sulineq (feltarbejde) imaqaassaaq, sammisaq eqimattakkuutaat, imaluunniit sumiiffik aalajangersimasumik sinaakkuserneqarsimassalluni. Piumasaqaat tassaavoq ilinniagaqartut inunnik aalajangersimasumik imaluunniit imikkoortumut arlaannik sammisaqalersinnaanerat. Suliaq naammassissutissaq kommunimi najugarisami ingerlanneqassaaq atuisullu ilai ilanngutitinneqassallutik. Sulinerup naammassinera moduulimi tulluuttumi takutinneqassaaq.

Isumaginninnermi sulineq: 25 ilinniartitsiffiusut, Inuiaqatigiilerineq: 30 ilinniartitsiffiusut, Inatsisilerineq: 5 ilinniartitsiffiusut

## Modul 8: Aaqqissuussineq, atassuteqarneq siunnersuinerlu

- Kulturikkut naleqartitat pingaartitalu.
- Aaqqissuussinikkut aqutsinerlu Teoriit
- Atassuteqarneq.
- Meeqqanik oqaloqateqarneq.
- Aaqqiagiinnginnermi suleriaatsit.
- Siunnersuineq.

Moduulimi anguniagaavoq ilinniartut inuiaqatigiinni kulturikkut taasuutit ikikkassallugit, kulturi tunuliaqutaalluni inuiaqatigiittut aaqqiagiinngiffiusinnaasut paasisimasaqalerfigissalugit. Moduulimi nammineq isummat pingaartitalu suliarineqassapput. Siunertaq aamma tassaavoq isumaginninnikkut suliffiusuni pisortat namminersortullu kattuffiinik ilinniagaqartut ilisimasaqalernissaat aamma aaqqissuussinikkut isumasiuinerneq aqutsinermillu ilisimasaqalerlutik. Atassuteqartarnermi teorii atassuteqarnikkullu sungiusarneri moduulimi ilaassapput. Oqaloqatiginneriaatsit tusarnaarsinnaanerillu tassungalu sungiusarneqassapput meeqqanik oqaloqateqarsinnaaneq aamma ilaassaaq. Aammattaaq aaqqiagiinngissutinik aaqqiiniarneq siunnersuinerillu.

Modulip naammassineqarneratigut anguniagaavoq ilinniagaqartoq:

- Inooqataanermi ingerlaatsinik kulturimik pilersitsisunik paasinnineq.
- Isumaginninnermi suliaqarnermut naleqqiullugu aaqqissugaanikkut toqqammavigisat pingaaruteqarneri pillugit nalunngisaqalerneq.
- Ataatsimiinermi aqutsisuusinnaaneq aamma assigiinngitsutigut aqutsisuusinnaanermik ilisimasaqalerneq.
- Atassuteqarnikkut pisinnaassutsinik ineriartortitsisimaneq.
- Aaqqiagiinngissutinik aaqqissinnaanernik ilisimasaqarneq tamatumalu sungiusarneqarnera.
- Siunnersuinerneq ilisimasaqarneq.

Moduli naammassineqassaaq suliat tapertariissillugit (tværfagligt) pisimasuutitaliornermik suliamik naggaserneqassaaq moduli tullianut suliarineqartussaq.

Isumaginninnermi suliaqarneq: 30 ilinniartitsiffiusut. Tarnip pissusaanut tunngasut: 30 ilinniartitsiffiusut

## Modul 9: Aliasunneq, ajornartorsiorneq kingunerlutsitsineq

- Ajornartorsiornermi teoriit



- Kingusiinnakkut imaluunniit kinguartitamik aliasunneq, tassunga ilanngullugu tarnikkut nappaatit timikkut nappaatinngortut aamma/ imaluunniit tarnikkut nappaatit.
- Ajornartorsiornermi ikiuinermit atatillugu sakkut periutsillu inunnik ajornartorsiuteqartunik oqaloqateqarneq sakkussaqaalerneq
- Meeqqat aliasunnermi qisuariaataat
- Suleqatigiinnik siunnersuineq
- Nammineq inuttut ineriartormik suliaqarneq.

Moduulimi siunertaavoq inunnik aliasulernermik imaluunniit ataavartunik aliasunnermik ajornartorsiornermilluunniit eqqortunik ilinniagaqartut passussilersinnaalerlutik oqaloqateqarsinnaalerlutillu. Meeqqat aliasunnerat qitiutinneqassaaq, ajornartorsiornermi teoriit ilinniarneqassapput, taamaasilluni ilinniartup meeqqap aliasunneranut paasisimannineq, ilisimasaqarlualerneq, paasinninnerlu, aliasunnermullu tunngatillugit ilikkarsimassallugit. Ilinniartup ilinniartitsinermi ilinniassavaa ajornartorsiornermi ikiuinissaq, sungiusarnerlu piviusuniit imaqaassalluni, taamaasillutik iliniartut sullissilluarsinnaalernissaat anguniarneqarluni. Siunnersuinermi ileqqorissaarnermut maleruagassat ilisaritinneqassapput, siunnersuinermilu sakkunik atornissaanik ilitsersuineq siunnersorneqarnerlu ingerlanneqassapput. Nammineq aliasunnerup inuunermilu ajornartorsiornerup suliarinissaanut periarfissaqassaaq.

Moduli naammassineqarneratigut anguniagaavoq ilinniagaqartoq:

- Inuk aliasuttoq naammaginariumik oqaloqatigilersinnaallugu
- Ajornartorsiornermit teoriit ilisimasaqaalerneq aamma inunnut ajornartorsiornermit iliuuseqarnissamut sakkussaqaalerluni
- Meeqqat aliasunnermi qisuariartarnerat pillugu ilisimasaqarneq aamma meeqqamut aliasuttumut ajunngitsumik ikiuisinnaaneq sunaasoq ilisimallugu
- Sullitat aliasuttut, ajornartorsiornerit ajunaarnersuarnermilu nalaataqartunut ikiuisinnaaneq
- Suleqatimik siunnersuinekkut suleqammik tapersersuisinnaaneq
- Nammineq inuuneq pillugu annertuneruumik erseqqissaasinnaaneq

Modul naammassineqassaaq tarnip pissusaanut tunngasunik oqaluttariarsornikkut misilitsinermit, GGS skala malillugu karakteriliisoqassaaq, censori avataaneersuulluni.

Angerlarsimaffimmi suliaasaq tassaassaaq moduli tullissaanut suliamut tunngasunik atuagaqarnissaq.

Tarnip pissusaanik ilisimasaqarneq: 60 ilinniartitsiffiusut

## **Modul 10: Isumaginninnermi siunnersuineq aamma isumaginninnermi sulineq**

- Isumaginninnermi siunnersuinermit inuttut piginnaasaqarneq
- Isumaginninnermi siunnersuineq siunnersueriaatsillu allat

- Oqartussatut suliaqarneq sungiusarlugu aamma sulianik suliarinninneq
- Isumaginninnermi siunnersortitut sulineq isumaginninnermi katsorsaanertut
- Nunaqqatigiinni sulineq
- Isumaginninnermi sulinermit allassinnaassuseq

Moduulimi siunertaavoq taasuutit isumaginninnermi sulinermit eqikkaanissaq aammattaq isumaginninnermi siunnersortitut suliaqarnermik suliaqarluni. Ilitsersuinnermi siunnersuinnermilu periutsini assigiinngitsuni ilinniartinneqassapput. Inunni ataasiakkaani, immikkoortuni inuiaqatigiinnilu katsorsaariaatsini assigiinngitsuni ilinniartinneqassapput. Pitsaaliuinnermi periutsit nunaqqatigiinni sulinerit ilaassapput.

Moduli naammassineqarneratigut anguniagaavoq ilinniagaqartoq:

- Atuisunik siunnersuinissamut pitsaanerusunik piginnaasaqalersimassaaq
- Ilitsersuussinerup, siunnersuinnerup suliarinninnerullu immikkoortissinnaalernerit
- Oqartussani sulisutut imminut isigisinnaaneq aamma sulianik suliarinninnermi inatsimmi maleruagassat ilikkassallugit
- Inunnik, immikkoortunik inuiaqatigiinnilu isumaginninnikkut suliaqarnermut periutsinik assigiinngitsunik ilisimasaqarneq
- Nunaqqatigiinni sulinermit ilisimasaqarneq
- Isumaginninnermi suliaqarnermut allattariarsornikkut piginnaasai pitsaanerulersimallutik.

Modul naggaserneqassaaq oqaluttarsiarsornermik soraarummeerneq imarissavaalu inuiaqatigiinnit inooqatigiinnut sullissineq, GGS skala malillugu karakteriliisoqassalluni, censori avataaneersuulluni.

Angerlarsimaffimmi suliaasaq: Moduli tullissaanut ilinniartoq ilinniakkamik atuarlutik ilinniagartik itisilissavaat.

Isumaginninnermi sulineq: 60 ilinniartitsiffiusut

## **Modul 11: Piffissami itisileriffiusumut suliniummillu allaaserinninnissamut piareersarneq**

- Ilinnigaqartut kissaatigisaat aallaavigalugit saqqunniineq
- Suliniummik allaaserinninneq
- Suliap ingerlaneranik allaaserinninneq

- Problemsformuleringi
- Atuakkanik ujaasineq
- Suliniummi suliassap aallartinnera
- Ataasiakkaarluni siunnersortinneq

Moduulimi siunertaavoq ilinniartup ilikkassallugu teoriit atorlugit ulluinnarni sulinissamut aaqqiissutileriineq ilikkassallugu. Allaaserinninneq aammalu paasissutissanik katersinerit ilinniartitsissutigineqassapput. Allaaserinninnerup ingerlanerani ilinniartut kissaatigigunikku ilinniartitsisut saqqummiisinnaapput, qulequttat/ sammisat ilaat itisilerlugit.

Moduli naammassineqarneratigut anguniagaavoq ilinniagaqartoq:

- Sammisap pingaaruteqartup ujarlerfiginissaa pillugu paasisimasaqalerneq pisinnaassuseqalernerlu
- Isumaginninnermi suliqaarnermut tunngasunik problemstillingi erseqqissarsinnaallugillu
- Problemstillingip erseqqissarnissaanut atortunik attuumassuteqartunik misissuisinnaaneq sularinnissinnaanerlu ilikkarsimassallugu
- Ilinniartitaanermi ilinniartitsissutit aallaavigalugit isumasiuinernik teoriit paasisaqarnermi atuisinnaanermillu takutitsisinnaalerneq
- Misissuinnermi naammassineq suliarnut atatillugu tunngavilerneqartunik allaganngorlugu, ilikkakkanillu ingerlateqqiisinnaaneq ilikkassallugu.

Tullianik soraarummeernissap tungaanut internettikkut, siunnersorteqassaaq.

Isumaginninnermi sulineq: 30 ilinniartitsiffiusut Inuiaqatigiilerineq: 30 ilinniartitsiffiusut

## **Modul 12: Soraarummeerneq**

Projekti moduli aallartinnerani tunniunneqassaaq. Soraarummeernissap tungaanut piffissap ingerlanerani saqqummiussinissamut soraarummeernissamullu piareersarnermut atorneqassaaq.

projekti tunuliaqutaralugu oqaluttariarsorluni soraarummeerneqassaaq– GGS skala malillugu karakteriliineq censori avataaneersoq

Isumaginninnermi sulineq: 18 ilinniartitsiffiusut. Inuiaqatigiilerineq 16 ilinniartitsiffiusut. Tarnip pissusilerineq 16 ilinniartitsiffiusut. Inatsisilerineq 10 ilinniartitsiffiusut.

## **9. Ilinniartitsinerut ilinniartitaanerullu aqqissuunera**

Ilinniartitsineq ingerlanneqartassaaq ilinniaqatigiit ataatsimoortillugit, suleqatigiinnermi sulinerit, projektinik sulinerit, internettikkut ilinniartitsinerit/ siunnersuinerit, suliassat akissuteqarfigineri aammalu suliffimmik sungiusarnermut tunngasunik suliassat akissuteqarfiginissaat.

Ilinniartitsilluni oqalugiarnert, suleqatigiinni ingerlariaatsit ataasiakkaallu sammisaqarnermi itisilerineq ilinniarnert ingerlanerani ilinniartitsissutitut atornerqartassapput.

Ilinniartitsineq kalaallisut imaluunniit danskisut ingerlanneqassaaq. Danskisut ilinniartitsisoqarpat nutserisoqartassanngilaq.

modulini tamani ilinniartitsiffiusunut pilersaarut ullunut ataasiakkaanut sammisassat atuakkallu atornerqartussat nassuiaatissaat piareerqassapput. Naatsorsuutigineqarpoq atuakkat saqqummiunneqartut atuartitsisoqarnissaa sioqqullugu ilinniartunik atuarneqarsimassasut.